


Bybel vir Kinders

bied aan



Elisa, Man van  
Wonderwerke



Geskryf deur: Edward Hughes  
Ge-illustreer: Lazarus; Alastair Paterson  
Aangepas deur: Ruth Klassen  
Vertaal deur: Yvonne Kriel  
Vervaardig deur: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2021 Bible for Children, Inc.

Lisensie: U het die reg om hierdie stories te kopieër en te druk maar u mag dit nie verkoop nie.




Daar was nie genoeg osse  
om die ploeg te trek nie.  
Nog een was nodig. Dit  
het nie die jong boer,  
genoem Elisa gekeer nie!



Hy het hom eenvoudig saam met die beeste ingespan en die plek van die vermiste bees geneem. Hy moes 'n sterk, slim en hardwerkende man gewees het.





Elisa was besig om te ploeg  
wanneer God se profeet  
Elia daar kom en hom roep.  
Die jong man het sy plaas  
verlaat om God se dienaar  
te wees. Een dag het God  
Elia na die hemel gevat in  
'n storm. Elisa was nou  
God se profeet  
van Israel.





Elisa was hartseer omdat Elia weg was, hy gebid dat God hom krag sou gee soos vir Elia. Elisa het Elia se mantel opgetel en hy het die vloeiende rivier geslaan soos Elia het.

Die water het verdeel! Elisa het nou geweet dat God met hom was.






Elisa was op pad na 'n dorp met die naam Bet-el, 'n paar jeugdiges het hom bespot en geroep, "Gaan op, kaalkop!" Hulle het nie omgee dat Elisa God se dienaar was nie. 'n Skokkende ding het met hulle gebeur. Twee vroulike bere het uit die bos gekom en twee en veertig van die jeug verskeur.




Een dag het Elisa 'n weduwe gekry wat geld geskuld het wat sy nie kon betaal nie. Haar skuldeiser wou

die weduwe se twee seuns neem as slawe om so sy geld te kry. "Gaan leen vate van al jou bure ... leë kruike," het Elisa gesê. God gaan iets wonderlik doen vir die vrou.






Die weduwe het net 'n klein potjie olie in die huis gehad. Van daardie klein potjie gooi sy genoeg olie uit om al die kanne vol te maak! As hulle baddens gehad het in daardie dae, dink julle God sou dit ook vol gemaak het? Die weduwe het die olie verkoop en so haar seuns gered.




'n Vrou en haar man het 'n spesiale kamer in hul huis gehad sodat Elisa daar kon woon as hy daar was. In die kamer het hulle 'n bed, tafel, stoel en 'n lamp neersit. Die kamer was altyd gereserveer vir Elisa.



Elisa het gewonder hoe kon hy die egpaar se goedheid terugbetaal. Hy het gehoor hulle het geen kinders nie. Hy het iets gesê wat die vrou skaars kon glo. "Hierdie tyd volgende jaar sal jy 'n seun omhels." Verseker, 'n jaar later, is die baba gebore.



'n Paar jaar later was dieselfde kind in die veld saam met sy pa. "My kop, my kop," het die seuntjie gehuil. Toe het hulle die seun na sy ma geneem, hy het op haar knieë gesit tot die middag en gesterwe. Die ma het die seun op die bed in Elisa se kamer neergesit. Wie dink jy kan haar help?




Het jy gesê Elisa? Dit is reg! Sy het 'n donkie opgesaal en met volle spoed gegaan om hom te vind. Elisa het na haar huis gekom, hy het die trappe opgegaan en tot die HERE gebid. God het die seun

terug gebring na die lewe. Elisa het die vrou geroep en gesê:

"Tel op jou seun."

Hoe gelukkig moes sy gewees het!







In die nabygeleë land van Sirië was 'n leër bevelvoerder genoem Naäman. Hy was dapper en sterk, maar hy het 'n verskriklike vel siekte genaamd melaatsheid gehad.



Naäman se vrou het 'n klein slawe meisie gehad wat in Israel gevange geneem is. Hierdie klein dogtertjie het gesê: "As ek Naäman net by die profeet wat in Israel is kan kry, dan sal hy genees word van sy melaatsheid."



Naäman het dadelik gegaan om  
die profeet te sien. Hy het  
silwer, goud, en 'n pragtige  
klere as geskenke geneem.









Elisa se dienaar het uitgekom en gesê: "Gaan was jou in die Jordaan sewe keer en jy sal rein wees." Naäman was woedend. Hy kon nie was in die skoon, vars riviere van sy eie land, Sirië nie? Kwaad het hy omgedraai en op sy pad huistoe gegaan.





Gelukkig vir Naäman het sy dienaars hom omgepraat om gehoorsaam te wees aan Elisa se opdrag. So het Naäman afgegaan en hom sewe maal in die Jordaan gedoop.





En Naäman, die  
melaatse is genees  
Naäman het die wo  
God aanbid, Elisa s  
God, die HERE v  
hom genees het va  
melaatsheid.



God het sy dienaar  
Elisa gebruik selfs  
nadat hy dood is. Een  
dag is 'n man begrawe  
in die grot waar Elisa  
lank gelede begrawe  
is. Die dooie man se  
liggaam het aan die  
profeet se bene  
geraak, die man het  
herleef en opgestaan.  
Waarlik, God het sy  
groot krag bewys  
deur sy getroue  
kneg, Elisa.



Elisa, Man van Wonderwerke

'n Storie uit God se woord, die Bybel,

soos gevind in

2 Konings 2-13

"Die lees van die Woord gee lig."


Psalms 119:130



Die E inde



25



60



Die Bybel storie vertel ons van ons wonderlike God wat ons gemaak het en wat wil he dat ons Hom sal leer ken.

God weet ons het verkeerde dinge gedoen, Hy noem dit sonde. Die straf vir sonde is die dood, maar God het ons so lief dat hy sy Seun, Jesus vir ons gestuur het wat vir ons sondes aan die kruis kom sterf het. Jesus het opgestaan uit die dode en opgevaar na die Hemel! Wanneer jy in Jesus glo en Hom vra om jou te reinig van al jou sonde, sal hy dit doen! Hy sal saam met jou stap deur die lewe, en jy sal vir ewig lewe saam met Hom.

As jy glo dat dit die waarheid is, se die volgende vir God:  
Liewe Jesus, ek glo dat U God is, en mens geword het om vir my sondes te kom sterf en nou vir ewig lewe. Kom stap asseblief saam met my deur my lewe en vergewe my my sondes, sodat ek 'n nuwe lewe kan he, sodat ek eendag saam met U vir ewig kan lewe. Help my om vir U te luister en gehoorsaam te wees, sodat ek vir U sal lewe en U kind genoem kan word. Amen

Lees die Bybel en praat met God elke dag! Johannes 3:16

